

نومرو : ۱۴

حزيران ۱۳۲۶

ايکنجي سنه

علم حقوقي مقاييسه قوانین مجتهد و عکس

مرآی نشر اول نور

مؤسس وصاحبي

کور ملجنه مبعرنی : محمد عارف

حقوق دول

معلمی: احمد شعیبک

— مابعد —

فرانسه نك ۱۸۴۸ اختلالی بټون آوروپاده اجرای تاثیر ایلدی بوتاریخ
 اروپا اچون بر دور اختلال تشکیل ایدر عینی زمانده برلینده، ویاتده، لهستانده
 حکومت قارشو قیاملر، عصیانلر وقوعه کلیور، بلجیقالیلر فلمنکدن آریله رق
 مستقل برقرالیت تشکیل ایدیور و بو اختلاللری عکس العمللر تعقیب ایدیوردی
 دولت عثمانیه کنجه: ینه بوتاریخده موره عصیانی ظهور ایدیور و مقدمه
 تشکیل ایدلش اولان [اټنکی اټریا] جمعی ممالک عثمانیه نك روم عنصری بولنان
 هر طرفده شعبلر احداث ایله فعالیتنه بر کرمی تام ویریور و جمعی بر چوق
 رهاین ایله روم اغنیا و معتبرانی داخل اولیوردی. دیگر طرفدن آوروپاده
 رسالهلر، مجموعه لر ایله پروپاغاندا لر یاییلور و عصیانک مدافعی اولمق اوزره
 انکلتزده، فرانسه ده، ایتالیا ده معاونت قومیتلری شکل ایدرک اروپا افکار
 عمومیه سی دولت عثمانیه علیه چوریور، عصیانی مشروع کوستریوردی.
 نته کیم مشهور ادبادن شاتوبریان، بټرامن، قونستان، انکلتزده لورد بایرن
 هب بر یونان مدافعی کسلمشلر و بو خصوصده بر چوق اثر نشر ایتمشلردر.
 بو اټناسندم انکلتز قایینه سندم بولنان (لورد قانیق) تمامیت ملکیت عثمانیه یی
 مدافعه ایله برابر آوروپاده حاصل اولان جریان افکاره مقاومت ایدمیه رک
 یونانلرک لهنده اداره کلامه مجبور اولدی.

عصیان اولاملیکتندن باشلا یوب بالاخره موره بده سرایت ایتدی.
 تبه دئلی علی پاشانک حکومت طرفندن تنکیل و محاسی موره عصیانک توسعه
 خیلی یاردم ایتمشدر. هر نه قدر علی پاشا ظلم و اعتسافی و حکومت قارشو
 سرکشکی ایله مشتهر ايسده امور اداره کی مهارت و اقتداری و تأدیب اشقیا

خصوصاً صندہ کی عزیمت و شدت و علی الخصوص اورالردہ کی نفوذ فوق العادہ سی
بتون ہو سیٹاتی غفو ایتدیرمکہ کافی ایکن قرنادن حالت افندیکن تشویق
و اغواسیلہ قتل و اتلاف ایدیلہرک یونانستانک تشکیلی قولایجہ وجود بولدی .
عصیانک بردنبرہ توسی و موردہ کی قلعه لڑک ہان ہیبی عصات الہ یکیمی
اوزرینہ حکومت تأدیبدن اظہار عجز ایتدی و امر تأدیبی مہر والیسی محمد
علی پاشانک اوغلی ابراہیم پاشایہ حوالہ ایدلی .

فی الحقیقہ ابراہیم پاشا آز بر مدت طرفندہ عصانک اک مہم مراکزی
بولنان میسولونکی و آتہ بی ضبط ایدہرک اعادہ اسایشہ موفق اولدی . فقط
ہو ائادہ ناوارین فاجعہ سی میدانہ کلدی .

فرانسہ ، روسیہ ، انکلترہ دوتملاری طرفندن اورادہ بولنان دوتملای عثمانی
کاملہ محو ایدلی .

باب عالی طرفندن وقوع بولان استیضاحہ حادثہ نک وقوعہ عثمانلی قبودانلری
طرفندن سببیت ویرلدیکی جواباً بیلدیرلدی . دیگر طرفدن باب عالی دول تکتہ
مذکورہ مدعیاتی رد ایتدیکندن طولانی سفیرلری استانبولی ترک ایلہ روسیہ
حکومتی دولت عثمانیہ اعلان حرب ایتدی .

دولت عثمانیہ نک ہو ائادہ کی حالی یک فنا ایدی . وقعہ خبریہ ایلہ یکیکچریلر
قالدیرلمش و نظام جدید ہنوز مطلوب درجہ بی بولہ مامش اولدیقتدن قوہ عسکریہ
مفقود حکمندہ ایدی . وقوعہ کلن محاربہ لڑدہ عثمانلی اردوسی دائمی بر مغلوبیتہ
کرفتار اولہرق (۱۸۲۹) تاریخندہ ادرنہ معاہدہ سنی عقدہ مجبور اولدی .
ہو معاہدہ موجبہ دولت عثمانیہ موزہ بی بر حکومت مستقلہ اولہرق طانیدی
یونانستان حکومتی وجود بولدی .

دیگر طرفدن آناطولیدہ جرکستان ایلہ آخسہ قلعلری روسیہ
ویرلدی . افلاق اراضیسندہ کی قلاع عثمانیہ ہدم ایدیلہرک مملکتین و صربستان
امتیاز تی توسیع اولندی و روسیہ حکومتہ یوز اونوز یدی میلیون فرانک
تضمینات حربیہ ویرلدی .

ادرنہ معاہدہ سی دولت عثمانیہ بی عادتاً اسندن صارسدی . چونکہ برطرفدن
روسلر قرہ دکز و بوغاز لڑدہ سربستی تامہ ظہر اولدق لڑدن و شرقہ عظیم منافع

تجاریه تأمین ایدیکلرندن بتون ممالک عثمانیه ده کی تبعه خرسیتانیه اوزرنده کی حق حایه مطالباتی ودول تابعه اوزرنده کی نفوذ سیاسی کی حاکمیت عثمانیه بی نخل مواد ایله مملکتک هر نقطه سنده روس نفوذی حاکم اولیوردی دیگر طرفدن تبعه خرسیتانیه بی حایه حقنده کی مطالبات ومدعیاتی ایله هر زمان دولتک امورادره داخله سنه مداخله و اعلان حربه وسیله اوله جق براختلاف تدارک ایدم بیلیمک، وساطتله ممالک بولنیوردی . بناء علیه ادرنه معاهده سیله روسیه دولتی شرقک بکانه حاکمی اولدی .

کوریلورکه دور محمود ثانی دولت علیه نک ال غائله لی، اک بحرانی بردورینی تشکیل ایدیور .

یونانستانک تشکلی ، افلاق ، بغداد ایله صربستانک توسیع امتیازاتی ، محمد علی باشانک احداث ایلدیکی مصر مسئله سی ، وهابی عصیان ، بیکچریلرک الغاسی ، درم بکلرک تشکلی کی برچوق وقایع مهمه هب بودورده وقوعه ککشدیر . دنیه بیلورکه اوتوز سنه بی متجاوز زمان سلطنتده سلطان محمود ثانی اوتوز کون غائله سز قالمشدر . مدت سلطنتی بتون عوائل داخله وخارجیه ایله کچمشدر وتدقیق ایدیلیرسه کوریلیرکه بتون بو غوئله بو امکانسزلغه رغماً سلطان محمود ثانی بر ممانت فوق العاده ایله مقابله ایدرک دولتی مدهش براضم حلالدن قور تارمغه موفق اولدی . اداره عمومی دولتک اک کوچک تفرعانه وارنجهیه قدر مشغول اولور ، تدبیر اتخاذ ایدر وباب عالی به کندی قلمبله خط هایون اسطار ایلر ایدی .

دیگر طرفدن مملکتک ترقیسنی، تمدنی بر آن بیله نظردن دور طومیوردی زمان سلطنتلرنده حربیه ، بحریه ، طویچی مکتبلری تأسیس ایدلدی . حدود عثمانیه نک محافظه سی ضمنتده بالقانلرده، آناطولیده مهم استحکاملر انشا اولندی بوللر آجیلیمغه ، کوریلر یاییلمغه باشلاندی .

ینه بودورک فیوضاتندن اولمق اوزره پوستلر احداث ایدلدی . ترکیه وفرانسزجه غزتلر انتشاره باشلادی . البسه لر من دیکشدی !! خلاصه اداره قدیمه اساسندن تبدیل اوله رق تشکیلات جدیده وقوعه کلیور و مملکتک آوروپا احوال وعاداتی یواش یواش کیرمکه باشلایور . مسامرلر ، شنلکلر ، بالور یاییلیور . سلطان

محمود بالذات رسمی جیقار توپ تعلیق اولمقی اوزره بتون قشله له کوندریور و کندی رسمی ایله سکه ضرب ایدیوردی .

نهایت بو فرط اشتغال نتیجه سی اوله رق پادشاه خسته لهرق برای تبدیل هوا خمیره نری اسله سلطانک جاملیجه ده کی کوشکنه کتدیله رسده افافت بوله میهرق ارتحال دار بقا ایستدیلر .

ایشته بو غوائل داخلیه و خارجیه ارمهنده سلطان عبدالجید هنوز اون الی یاشنده بولندینی خالده مقام سلطنته کچدی . ۱۸۳۰ پروتوقولی موجبجه یونانستانک حدودی تعیین ایدیلهرک لئو بولده ساقس قوبورغ یونانستان قرالیتنه نامزد انتخاب ایدلدی . بو ذات یونانستانی عادتاً بر دقتاتور کی اداره اتمکک باشلادی . بر طرفدن ضرورت وسفالت دیگر طرفدن شهر قلق یوزندن یونانستانده بر آنارشی حکمفرما اولوردی . نهایت بزنسک طرز اداره سنه هر طرفدن اعتراضلر بوکسلمکک باشلادی . بونک اوزرینه سلطنتدن فراغت ایستدی . صوکره (قابودلسمتریا) دروننده ده بر جوق ظلم و اغتصاب اجرا ایدلدیکندن اهالیکن تکرار قیمو عصیان اوزرینه ۱۸۳۲ سنه سنده عقد ایدیلن ایکنجی بر پره توقول موجبجه یونانستان قرالینی باور اقرالی لوی فلیک اوغلی (اونومده باور) ویرلدی .

صربستانه کنجه : صربستانک امتیازی ادرنه معاهده سندن باشلار ایسه ده او زمان بالقعل بر مختاریت اداره مه مالک دکل ایدی . امور عدلیه ، ملکیه ، مالیه مذهبییه وضابطه سی بتون اداره محلییه مودوع ایدی یالکز دولت غنایه نک بلغرادده بر مقدار قوه عسکریه سی بولنوب معین بر ویرکو ویرمکه مکلف ایدی . او ائشاده صربستانده اجزای حکومت ایدن او بره نوویچ خانداندن میلوویچ قودنا بولیوی تعدیلا مملکته ادخال ایدلدی . فقط ۱۸۴۱ ده وقوعه کان اختلال اوزرینه سقوط ایدرک اسقوبیچنا (مجلس مبعوثان) طرفدن مقام حکومته قره یورکوویچک کوچوک اوغلی علیکساندر انتخاب اولندی .

بلغارستان . — بلغارلر هیچ بر امشازم مالک اولموب ذولت عثمانیه نک تحت تابعیتده بولنیورلوردی الحق بلغارلر ده ۱۸۳۵ سنه میلاده سنده مملکتلر سنک هر طرفدن مکتبلر اجهرق تعمیم معارفه جالشیورلردی . بواش بواش

کنیدیلرینه مخصوص ادبیات وجوده کلدی و ۱۸۴۴ تاریخندن اعتباراً غزته لر
نشر اولمغه باشلادی . لاقوفسکی کی هم شاعر و هم مورخ ذوات یتیمیدی
و بلغار ملیتی وجود بولدی . بو ابتداء فکری نتیجه سنده بلغارلر حقوقی

سلاح بدست اوله رق مدافعه ایدم بیلجک بر حاله کلدیلر .
ملکیتین . — ادرنه معاهده سنی متعاقب ملکیتین بر مدت روسلر طرفندن
استیلا اولندی . جنرال (کیسلف) چارنامنه اوراده تام بش سنه اداره
حکومت ایتدی . نهایت اورویا دولترینک مداخله سی اوزرینه ملکیتی تخلیه
مجبور اولدیلر بونک اوزرینه ملکیتین ریاسته (استورچا) و (کینا) و بالاخره
روسارک محیسی بولنان (ژورژ بولقو) انتخاب ایدلدی . بو خاندان الیوم موجوددر .
اوراده عین لسانه ، عین منافع و منشئه مالک اولملرندن طولای افلاق
ایله بغدادک اتحادینه دائر بر جریان حاصل اولدی برفرقة ملی وجوده کلدی .
مکتبلر آچیلدی .

بو فکر ترقی ثمره سی اوله رق (قایینه آنو) سایه سنده بر سوسیته تشکل
ایتدی ، بو سوسیته عادتاً رومانیاده ادبی و سیاسی پروپوگاندانک بر آلتی
اولدی . صوکره بکرشده ملی بر تیاترو آچیلدی . بو ائنده فرانسه ادبیاتنک،
فرانسزلرک رومنلر اوزرنده کی نفوذی پک زیاده ایدی . قوربه رومن و آرش
رومن کبی غزته لر انتشاره باشلادی .
ایشته بوتون بوتنبثات ، بو ترقیات فکریه بالقاندرده آتیانه نتیجه لر تولید
ایده جکنی واضحاً کوستوروردی .

ایتالیا . — بو ائنده پک پریشان بر حاله بولنیوردی (۱۸۱۵ — ۱۸۵۶)
ساردنیا قرالیتی ، نابولی قرالیتی پاپا حکومتی و سائر قسمی ده اوستربانک تحت
اداره سنده ایدی . حالبوکه کنج ، متفکر بر نسل ایتالیانک استقبالی دائماً
دوشونیوردی . ایتالیا مسعود اولق ایچون فصل بر طریق تعقیب ایتلی ، فصل
بر شکل حکومت آلتیده طوبالانمالی و شو افکار ملیتی کتله ناسه فصل ونه
واسطه ایله اگلانه بیلملی ایشته بتون افکار منوره ایحایی بونکله مشغول اولیوردی .
بو خصوصده ایتالیاده باشلیجه ایکی فکر موجود ایدی .

برینه (کنج ایتالیا فرقه سی) دیرلردی که بو طوغریدن طوغری به ایتالیانک

خلاصی، سعی در اختلاله، قان دو کتده بولیوردی، دیگرى (نه اوکوف
فرقه سى) ایدی که مملکتده اختلال یا بیلغسزین، قان دو کولکمترین یا لکنز
بعض اصلاحات اساسیه اجراییله اکتفا ایدلمی فکرینی ایلری سوریوردی
اختلال فرقه سنک رأس اداره سنده (ماشینی) بولیوردی؛ که ایالتیانک الک بیوک
آدمارندن بری در هیچ بر فلاکت هیچ رفاهیه اوئی قناعت وجدانیه سندن منع ایدمه مامش
کوچوک بر امیدسنر لکه دوشور مامشدر، دائماً مظفر بوله جفته امید وار ایدی
منوکره بو آدم فوق العاده معلوماتی ایدی، ماشینی ایچون غاریبالدینک بر
سوزی وار، دیورکه (ایالتیانک او ان فلاکتده هر کس او بودینی زمان یا لکنز
ماشینی او بومایور، استقبال وطنی یا لکنز اودوشونوردی)

ماشینی جمهوریّت و اتحاد طرفدارى ایدی ایالتیانک صفحات تاریخیه سی
و اعتیاداتی تدقیق ایدیلرسه بوشکل حکومتک ایالتیا ایچون الک موافق اوله جفتی
سویلردی. برده ایالتیا ایچون هر شیدن اول ایالتیا اتحادینک وجود پذیر
اولمی و تخلیص کر بیان ایدمه بیلمی الحق بوکامتوقف بولدیغنی هر زمان تکرار
ایدر و برده اکسک اولان شی قوت دکل اتحاددر دیردی.
بوفرقه نك قارشو سنده ره فورمیتلر وار ایدی بونرک رئیس (ژه اوبره تی)
ایدی بونلر جمهوریت فکرینک تماماً عیننده اولوب مغتدل بر اصلاحات
طرفدارى ایدیه لرده آستریای ایالتیادن جیقار مق آنجق ایالتیا اتحادینک
وجود بولسنه متوقف بولدیغنی تقدیر ایتدکلرندن بو خصوصده هر ایک فرقه
تماماً متحد بولنیورلر و بو صورته ایالتیا اتحادی حاضر لانیوردی.

(۱۸۸۱ المانیا) المانیاده حریته اتحاده طوغری بر جریان افکار حصوله کلیور
وکنج المانیا دینلن بر فرقه میدانه چقیوردی، علمکساندر هومبولد، زیبل
لکبی مشاهیر مورخین طرفندن بر تدقیقات واسعة تاریخیه باشلابور. شولخان
سامه ندلسون، مایه زهر کی بسته کارلر ییشیور خلاصه بر طساق کنج ده لرده
قوانین و عنعنات اجتماعییه قارشو بر حسن عیسان اویانیور. بونلر هنوز
زمانمژده بیله تطبیق ایدلمیان وایدیه میان افکار سیاسی و اجتماعی ایلری
سوریورلر و بو خصوصده بر چوق مناقشات جریان ایدمه لک افکار عمومیته
دنیویراینه خدمت ایدیوردی (مجموعه مقالات دول)

رینه بود و درده جزایر فرانسرلز طرفندن ضبط اولندی . اوتنه دئیری
جزایرده عربلر . بربریلر و قول اوغلی دینلن ترکرله تحت اسارتده بولنان
زنجیلر بولنیوردی . جزایر برطاقم قبیله له آیرلش و بوقائلك هپسی رؤسای
عسکریه ویا مذهبییه سی طرفندن اداره اولنور و آرمه لرنده محازبات هپج بر زمان
اکسلیموردی . خلاصه : جزایرده اصلا بر حکومت تشکل ایدمه مش ودائمی
آناشری ایله اداره اولمقده بولنش ایدی . بو آناشری به برده یکچیریلرک ظلم
واعتسافی علاوه ایدیلر سه مملکتک نه صورتله اداره اولندی نی اکلایشیلر .
اورادهمکی دایسلرک نفوذی جزایر آتالنتک شمال جهتلر سه منحصر اولوب
قورسناقله اشتغال ایدرلردی . بحر اسفید حوضه سندهمکی اوروپا سفان
تجاریه سه دایما تجاوزده بولنورلر . حتی بوندن طولانی انکیزلر جزایر
طویه طوتهرق قریه عسکر چیقارمغه مجبور اولدیلر . بوانساده جزایر
دایسلرندن بکر بکی یکچیری حسین پاشا بر آلاجق مسئله سندن طولانی فرانسه
قونسلوسنی تحقیر ایتدی . بوحقارت اوزرینه ذاتاً مترقب فرصت اولان فرانسه
حکومتی همان جزایر اسفیل ایتدی . بالطبع ده ایلک مبارزده یکچیریلر
مغلوب اولدیفندن دای خزینه سنی و حرمیه بندکانی آلوب فرانسه کیلرله
اناطولی به کجیدی . اوچ عصر قدر اناطولی حوضه سنی ترمندن یکچیری
قونی براق کون ظرفنده فرانسرلز طرفندن محو ایدیلوردی بونکله برابر
فرانسرلز جزایر قولایجه اشتغال ایدمه مدیلر چونکه قارشیلرنده شیخ محی الدینک
اوغلی عبدالقادر ظهور ایدوب کندیسنی امیر اعلان ایتدی و فرانسرلزک
بردشمن بی امانی کسلدی .

فرانسرلزده مقاومت ایدمه بیلیمک ایچون منتظم براردو تشکل ایتدی .
فرانسرلزک الله نامدار قوماندانلرندن فزامن ، دوق ، دومال ، برچوق
سینلر عبدالقادر ایله اوغراشدیلر . عبدالقادرک بو مقاومت خارق العاده بی
طبیعی موقت بر زمان ایچون اوله یلیدی و نتیجه ده بالضروره فرانسرلزده تسلیم
اولدی . فرانسه حکومتی عبدالقادر ایبتدا فرانسه نك جنوبنده بر قلمه به حبس
وبالاخره سیلینی تخلیه ایتدی . بونک اوزرینه عبدالقادر وفاتنه قدر بقیه عمرینی
ممالک عثمانیه کچردی و فرانسه حکومتی مومی الیه یکی یوز بیک فرانق تخصیصات

بقایا بقایا مساله شلایه ایلدیه : لمدیا شلایه مساله شلایه

۶۹. در این سال، روسیه باستان حقوق دول افغانستان را به دست آورد.

اعطا ایدردی. سینه بودورده آوروپا دول معظمه می آره سنده مستملکات مسئله سی فوق العاده حائز اهمیت بر شکل آلفه باشلادی. وقتیه انکلتزه دولتی مستملکات کرک اقتصاداً و کرک سیاسه تمامیه حکومت مرکزیه به مربوط اولتی سیاستی تعقیب ایدیور و بوخصه صده اک صیقی بر مرکزیت اصولی تطبیق ایدیوردی. حتی اودر جهده که مستملکات؛ محصولات بی همه حال انکلیز کیلیله سوق ایتمک مجبوریتده بولنیورلردی. فقط (۱۸۳۳) سینه سنده انکلتزه حکومتی مستملکات اوزرندن بو ترضیقاتی، بواساتی قالدیردی و اون طقوزنجی عصرک ابتداسندن اعتباراً اوسترالیا و قاپده اشکال مخصوصه ملکیت تأسیس ایدیور. و «آدام اسمیت» دن اعتباراً لیبرال انکلتزهده مستملکات مختاریتی طلبه باشلایور. (۱۸۴۰) تاریخده قناده ایلمک مستملکه پارلمنتوسی کشاد ایدلدی. ایکی سینه صکرده جنوبی اوستریاده یکی غالده مجلس؛ مستملکات آچلدی. افریقا ک جنوبنده قاب مستملکه سینه کلنجه بوقطعه (۱۸۰۶) تاریخده انکلیزل طرفندن ضبط اولمشدر. و (۱۸۱۵) ده عقد ایدیلن و یانه معاهده سی ایله انکلتزه نک قاپده حقوق حکمرانی تصدیق ایدلدی. بوراده اونه دنبرو هجرت ایدن مستعمرلر اقامت ایدیورلردی. بناء علیه لسان محلی هوللاند و ندهیلزیده قالونیزم، مذهبیتر، ایشته بو مستعمرلر (بور) (کوپاس) دیرلر. بالاخره بوئرلر ایله انکلتزه ازه شنده ترانسوال بحار به سی وجوده کلدی. بونی متعاقب آسیاده مستملکات مسئله سندن طولانی روسیه ایله انکلتزه بینده ایلمک مبارزملر باشلایور. چونکه نادرشاه ایران امپراطور اغنی تأسیس ایشدکن صکره ایکی به انقسام ایدیور روسیه افغانستان و انکلتزه بلوچستان اوزرینه توسیع نفوذ ایتمکله چالیشیورلر و یانه بوتاریخده قافقاس قطعه سنک اقام مختافه سنده روسیه به فارشو عضیاملر باشلایور، شیخ شامل یکرمی سندن زیاده روس اردولریتی دوچار مشکلات ایدیورلر روسلر شیخ شاملی انحق (۱۸۵۱) تاریخده دزدست ایتمک موافق اوله بیلدیلر. ایشته بسون بونلر کو سترینبورک مستملکات مسئله سی اوروپا عالم سیاستی نک زیاده اشغال ایتمش و بو حال ایوم بر شکل دیکرده بردوام اولقده بولمشدر.

بزشمدی سینه فرانسه دن بحث ایدلم؛ وقتیه نابولیونک فرانسه امپراطور لغنی

اهالی به قبوله موثق اولدینی حقند معلومات کافی ویرلش ایدی. و (۱۸۵۲) تاریخندن (۱۸۷۰) یعنی فرانسه و روسیا محاربه سنه قدر ایکنجی امپراطورلوق دوام ایدیور. ناپولیون پی در پی دائرة صلاحیتی توسیعه باشلادی. مجلس مبعوثانک و حریات عمومیته تکدیدینی متضمن برطاقم قانونلر یاییلدی. اداره سابقه نك مراسم تشریفات اعادة اولندی و ناپولیون اسپانیا زادکانندن مادموازل (اوزمنی) ایله تزویج ایتدی. طرز اداره سی احرازانه اولمه مقبله برابر زمان سلطنتنده ترقات اقتصادی رونما اولدی. *La République* *française* *de 1793 à 1870* رجوق مؤسسات خیریه وجوده کلدی شسهندوفرلک مقداری تزايد و برطاقم شرکت تجاریه تشکیلی ایتدی. پاریس شهری اوزمان شهرامینی بولان (هوسن) سایه سنده هان یکیدن یاییلدی و اعتبار حکومت کتدیکجه تزايد ایتدی. یکنندن بورسه زده هوا او یوناری باشلادی. حاصلی مملکتده برطرفدن سفاهت دیگر جهتدن ضرورت و سقات کوندن کونه آرتیوردی. فقط فرانسه مملکت هیئت مجموعه سی ناپولیونه قارشو ساکت و بی حرکت برحالده ایدیلر. بالاخره ایتالیا مسئله سی اوزرینه کلیسا فرقه سی ناپولیوندن آیرلدی. چونکه ناپولیون ایتالیا اتحادیه صولک درجده غیرت ایتمکده و بوسیله بابالغک انقراضنی آرزو ایتمکده ایدی. کلیسا طرافدارانی ناپولیوندن افتراق ایتمکده برابر یسقبوسلر امپراطوری علناً تحقیر ایتمکده باشلادیلر بونک اوزرینه ناپولیون حریت طوغری برازیوردی. افکار عمومی بی نمون ایتک ایچون بعض مساعدا تده بولندی و بونکله فرانسه ده [اتن لیبرال] دینیلان دور تاریخی باشلادی. که رئیس الیوم فرانسه اقاده میسی اعضاستدن اولان [امیل اولیونه] در. حتی بوذات زمان اداره سنده فرانسه نك بر تاریخی یازیور. بو اثر نده بر طرفدن ناپولیونک آمالی دیگر طرفدن افکار احرازانه بی تألیف ایتک ایسته یور. ناپولیونک طرز اداره سنه قارشو ادغار کینه. شاملن لاقورده همیشه باشیرنده او یقتور هوغو بولندینی حالده نشر نامه باشلادیلر. هوغو نك ناپولیونی تحقیر ایتک ایچون یازدینی [شایجان] مجموعه اشعاری الدن ال کزیوردی. شاعر بو اثر نده یوک ناپولیون ایله کچوک ناپولیونی مقایسه ایدیوردی. صکره فرانسه رجال سیاسی سنیدن مشهور [تیر] یارلنتوده ناپولیون اداره سی تنقیدات محقه سیله خیر بلامغه باشلادی.

غزته خیلوردن [روشفور] لاتزن غزته سنی نشره باشلا یوق هر کون نابولیا نه
 قارشو اعتراض ایدیور و افکار عمومی بی تنویره اوغر اشبور دی. نهایت امپراطور لوق
 بومواخذات دالغیدن قورتلوق ایچون غزته بی قیاندی.
 فقط روشفور بوندن قطعاً متأثر ونومید اولمه یوق بلجیقایه غزتمله اوراده
 دهاشد تلی رلسان ایله غزته سنی جیقازوب خفیا مملکتک هر طرفه کوندر سیوردی
 بواشاده دولت عثمانیه نک احوالی تدقیق ایدیلر سه پک بیوک بحرانلی بر زمان
 کچر مکده اولدینی تظاهر ایدر. عبدالحمید اولک اوائل سلطنتلرنده ممالک عثمانیه
 نک هر طرفه طاعیدلش اولان روس آژاندرک تحریکات وتشویقات متادیهرلی
 نتیجه سنی اوله یوق بلغارستان وبوسنه هر سک عصیانلری وجوده کایور وبالقائل
 برشورش واختلال ایچنده بولنیوردی. ~~شاید اینکله مسئله~~
 مع هذا رشید پاشا نه تدابیر حکیمانه سیله دولت تنظیمات خیری بی اعلان
 ایدر نک حریت، مساوات اساسی قبول ایدیور، واور بالدرک استیجاب توجهنه
 موفق اوله یوق دولتی مقاسمه واضمحلالدن قورتاریوردی، کلخانه ده قرائت
 اولتان بوخط هایونده بتون دول اجنبیه سفرا سی بولندی. قدیم دیری آوروپا
 بزلی خسته آدم دیه تلقی ایدر وائال میراث اولسنه انتظار ایدیوردی. حالوکه
 تنظیمات خیری به ایله ترکیاده کوریلان تجددا واصلاحات بالنتیجه خسته لقدن اعاده
 عافیت نشانه لری آوروپانک خصوصیه روسیه دولتک امال ~~سیاسیه~~ متوافق
 ایتمدی. ذاتاً اورته ده موجود اولان مقامات مبارکه مسئله سندن بالاستفاده بکدن
 برغانه احداث ایتمک ایستدی. مسئله شوایدی؛ وقتیه قدس شریفده قتلایکلا
 ایله اورتودوکسلرک آیری مناسرتی اولوب قتلایکلی فرانسسه واورتودوکسل
 مناسرتی ده روسیه حمایه ایتمک صلاحیتی احرار ایستیلر. قتلایکلا نفوذی
 قدسده دائماً سزاید ایستیکندن فرانسسه ایله آرملرنده برکرتیک ووجوده کلدیکی
 جهته فرانسسه دایما دولت علیه بی الزام ایدییه زدی بومشله دن طولانی بر طرفدن
 روسیه نک دیگر جهلان فرانسسه نک در سعادت سقیر لری آرملرنده دائمی بر دوئل
 واریادی. فرانسسه قتلایکلا روسیه اورتودوکسلرک امتیازاتی توسیع ایتمک
 امانده ایدیلر. واورتودوکسلرک روسیه جاری نیقولامشله شرقیه بی ترکیا مقاسمه
 حل ایتمک ایچون انکلیزه ایله عقد اشلاف یتمده ایدی. حتی لبریکجه پتر سبور

غده قیش سر اینده ویریلن برضیافتده نیقولان انکلتزده سفیری برکوشویه چکیرک
 شوصورنله اداره لسان ایتمشدر . « ترکیا وخیم برصورنده خسته در .
 واعاده عافیت ایتمه سی ده مأمول دکلدز . بوخسته آنسزین وفات ایدره ک
 دول معظمه نک قولاری آره سنه دوشه بیلیر . بناء علیه عزیزم سفیر شمدیدن
 مسئلهیه قرار ویرمیزی . روسلر ایله انکلیزلر مسئله شرقیه ده اویوشدقدن
 صکره دول سائرده نک حائر اهمیت اولدیغی روسیه دولتی ادعا ایدرک انکلتزده
 خطاباً مصرله کریدی سزه ویرییورم . بالقانلری ده سزبکا ورمه یلسکیز »
 ایسته بونوع مطالعات ، مخبرات دوام ایدوب طورییوردی . روسیه نک شو
 آمالی انکلتزده فوق العاده هیجانی موجب اولدی . واولوقت انکلتزده نک
 [ره داقلیف] نامنده کی در سعادت سفیری ایله رشید پاشا ارمه سنده پک زیاده
 مناسبت حکمرما اولوب دائما مسائل مهمه سیاسیه حقنده تعاطی افکار
 ایدرلردی . عینی زمانده خارجیه نظارتندن روس سیاستنه قارشو اچیقندن
 اچیغه اعلان خصوصیت این فوآد پاشا بولتیور ایدی . بوئانده در سعادت
 روسیه نک بحربه ناظری پرنس (منچیقوف) کلدی . مومی ایله ظاهر آقدس
 شریف مسئله سی حل ایتمک واسطاً ممالک عثمانیه ده بولان بتون اورتودوقسلرک
 حق حایه سی کیزلی بر معاهده ایله احراز ایتمک نیتند . ایدی . بویله بر تعهد ؛
 روسیه نک آرتق شرق ایشلری اوژرنده دائمی برحق مداخله سی قبول ایتمک
 دیمک ایدی . انکلیز سفیری [اورداس ترایفوردره داقلیف] غایت ذکی
 بر دیپلومات اولدیغندن منچیقوف بتون آمال سیاسیه سی میدانه قویدی .

باب عالی منچیقوفه نهایت استقلال و حاکمیتی رخنه دار ایدمک بویله
 بر تعهدی قبول ایدمیه چکنی کمال اعتدال و متانتله بیان ایشدی . منچیقوف ایسه
 بو طابنک ردی حالده مسئله نک آرتق قوت ایله حل ایدیه چکنی سو بیلیرک
 استانبولی ترک ایدوب کیتدی . فی الحقیقه روسیه دولتی بر مدت صکره اعلان
 حرب ایشدی . بو حایه مذهبییه مسئله سندن طولانی بر طرفدن انکلتزده دیکر
 طرفدن فرانسه دولت عثمانیه فی مدافعه ایچون اتفاق ایشدیلر . یعنی بویکی
 دولت سفیرلر نک امضالادقلری بیاسنامه ده ترکیا استقلالنک مدافعه ایدیه چکنی وعد
 ایدیورلردی . بوکاه قایل باب عالی ده تبعه مسله و غیر مسامه ارمه سنده بالفعل مساواتی

تطبیق ایده چکنی تعهد ایدیوردی . وقوعه کلن قریم محاربه سنده سردارینز
عمر پاشا محاربه نك ایلک دوره لریده برچوق مظفریتاره نائل اولمش ایسه ده
روس دوغنامی سینویده بولان دوغنامی عثمانی اوزرینه آنسزین هجوم ایده رک
کاملأ محو ایتدی .
فقط دیگر جهندن دول متفقهدن فرانسه ، انگلتره ، ساردنیا حکومتلری
کلیولیدن قریمه عسکر سوق ایدیور و سیواستپول ، بالقلاوط ، اق کرمان ، مالا قوف
استحکاماتی برخیلی مدت مقاومتدن صکره نهایت عرض تسلیمیت ایدیوردی .
بوانساده چارنیقولا وفات ایتسکه پرینه چکن ایکنجی علكساندر صلحی ترجیح
ایتدیکندن دول متفقہ آره سنده و یانه ده مصالحه نك مواد ابتدائیه سی قرار گیر
اولدی . بالاخره (۱۸۵۶) تاربخنده یارسده فرانسه ، انگلتره ، اوستریا ،
روسیه و پروسیا ، ساردنیا ، ترکیا مرحصلرندن مرکب برقوق نفرده مسئله حل
ایدلدی که ؛ ایشته بوقونفره فرانسه نك (والووسکی) انگلتره نك (قلاوندوف
روسیه نك (اورلوف) ایتالیا نك مشهور (قاورور) و دولت عثمانیه نك (عالی
وجیل پاشا) لری مرخص صقتیله بولینور ایدی . پارس معاهده سی اوتوز درت
ماده دن مرکبدر بر دفعه طرفین محاربه دن اولکی حالی اعاده ایدیورلر . یعنی
روسیه ضبط ایتدیکی قارصی بزه وریور . و دول معظمه ده بو محاربه نتیجه سنده
اله کپردکلی کرچ ، سیواستپول ، بالقلاوا قیل بروخی روسیه و وریورلر .
و هرابکی دولت مملکتده عفو عمومی اعلان ایدیور عالی پاشانك مهارت
سیاسیه سی نتیجه سی اوله رق دولت عثمانیه بومعاهده ایله آوروپا آهنگ دولینه
داخل اولدی . و دول معظمه بعد مادولت عثمانیه نك ده آوروپا حقوق عمومیه سدن
مسئله فید اوله جغنی قبول ایتدیلر . اووقته قدر دولت عثمانیه آوروپا دولتی عد
اولموردی .
او اوانكك خارچنده بولینور و قواعد حقوق دول بزه تطبیق ایدیوردی .
دیگر زماده ییده دولتر تمامیت ملیکته دولت عثمانیه رعایت ایده چکلرینی تعهد
ایتدیلر . صکره حقوق دوله تماس ایدن ماده لر دن رییسی ؛ دول عاقده
اختلافی مسلح ایله حل ایتزدن اول بوطرف دولتر نك توسطنه ، حکمکنه
مراجعت ایده چکلرینی قبول ایتدیلر . دیگر طرفدن باب عالی رعایایه مساواتی

وعد ایدن فرمانی رسماً دولتره تبلیغ ایدم جگدی فقط بویالکتر بر تبلیغیدن عبارت اولوب کیفیت تبلیغ دول معظمه نك نه منفر دآ ونده بمجتمعا امور داخلیه مزه حق مداخله لرینی تضمین اتمه جك ایدی .

بومعاهده ایله طونه اوزرنده کی سیرسقاں مسئله سی حل اولندی . وروسیه بسار ابادیه کی حدودینی تصحیح ایدرک ملکیتنه بر مقدار اراضی ترك ایدلدی .

پارس معاهده سی موجباً بونازلرك سقاں حریبه یه قارشو قبالی اولدینی اساسی قبول و تصدیق ایدلدی . یالکتر سفیر کیرلرک کو بنه مخصوص اولان معیت واپوریه ستاسیون تر دنیلان طونه قومیسونك اداره سی آلتده ایکشمر کینک سر بسنجه مرورینه مساعده ایدلدی . فقط بونازل هر دولت ایچون ایکی سفینه نی تجاوز اتمه جگدر .

وقره دکنر بیطرف اوله جقدی . اوراده نه دولت عثمانیه نه ده روسیه حکومتی سفن حریبه بولندیرده می جتی کی قوه دکنر سواخلنده عسکری ترسانده یاپامیه جقدی . یالکتر طرفینک آلیشیر کو چولک سفینه سی بولنه بیله جك که بونازلرک معاهده ایله طونیا توسی طول وعرضی تعیین ایدلشدی . روسیه دواتی برتسبورغك قارشوسنده کی آلاندا اطه لرنده استحکام انشاسی حقندن محروم اولیور و دیگر طرفدن فرانسه ، آوستریا ، انگلتره دولتری یابدقاری برمقاوله ایله دولت عثمانیه نك تمامیت ملکیتنی تکمل ایدیورلر . هرکیم تمامیت ملکیت دولت عثمانیه یه تجاوز و تعرض ایدرسه دول عاقددن هر بریسی ایچون اعلان حرب بروسیله تشکیل ایدم جك و بو تمامیتی مدافعه ایچون دولت عثمانیه ایله متفقاً مذاکره ایدمک قوای بریه و بحریه لرینی استعمال اتمک صلاحیتدار اوله جقلر ایدی .

بونازس معاهده سی موجباً دولت عثمانیه اور و پاهیتت سیاسیه سه داخل اولیور . بعدما دولت عثمانیه حقوق دول قواغدندن استفاده ایدم جك و حکومت عثمانیه متساوات دولیه ده حقوق دول قواغیدینه اتوقفاً مدافعه اتده بولنه بیله جك چونکه معاهده ده کی الفاظ البته معناسر دکندر نا اولنک برمعناسی اولیق لازمکوره . دولت عثمانیه نك آوروپا خلقه سیاسیه شبه کیرمندی دیمک آوروپا دولتلرینک استفاده ایتدیکی حقوق عمومی دن اولنک ده مستفید اولمیسندر . علمای حقوق اقوامی ایکی دائره یه

تفریق ایدیورلر بری متعین دیگری غیر متمددن برد اقوام وحشیه وار که اونلر حقوق دول قواعدی هیچ تطبیق اولمز. اقوام متمدنه حقوق دول قواعدی تطبیق ایدیور دیگرلرینه تطبیق اولتمیور. اشته بارس معاهده سنه کتجه به قدر دولت عثمانیه نك موقع سیاسی حقوق دول قواعدینك خارجده بولنیوردی. فقط مع التأسف بوکون حال ینه بویله در چونکه اگر دولت عثمانیه أوروبا هیئت دولیه سی میانیه بحق کیرمش اولسه ایدی ممالك عثمانیه ده جاری قایتولاسیونلرک قالمیسی ایجاب ایده جکدی. بونلر حقوق دول قاعده سننك خارجده برشی در بو برامیازدر. حق قونفرده عالی پاشا مرحوم مادامکه بزی منزلراچکز قبول ایدیورسکز بونك جدی وصیمی اولدیغنی کولسترمک ایچون اول امرده شونلری قالدیریکز دیدی. فقط اوئاناده حکومت عثمانیه تشکیلات عدلیه سی وجوده کتوره ممش ایدی. بالکنک بر قانون جزا نشر ایدیله بیلیمشدی اورده نه بجه، نه ده منتظم بر حقوق جزائی و تجاریه موجود ایدی. *مستقر و معتبر و درمستند ان بیاض و خالص و پاک و بی عیب و بلا و بی عار و بی عیبه* عالی پاشانک بوتکلیفی اوزرینه دواتلر وعده ایتدیکنز اصلاحات جدیدیه نی موقع تطبیقه قویدیکمز زمان قایتولاسیونلری قالدیررز دیه جواب بریدیلر. بارس معاهده سنده دیگر مهم بر مسئله وار ایدی. که اوده قره دکنک بیطرق فلفی، عسکری ترسانه پایله مامسی مسئله سی ایدی. بوالخاصه روسیه به قارشو اتحاد اولمشدی. چونکه دولت عثمانیه نك اوراده بر ترسانه پایمغه احتیاجی بوق ایدی. اوز هر وقت آرزو ایتدیکنز زمانده اوزیه حرب کیملریمز قولایجه سوق ایده بیسلدک. فقط اگر روسیه بر ترسانه پایمزه آرتق قوه بحریه سی بوق دیکدر. بومادم فرانسه وانکتره دولتلری طرفیدن روسیه نك نفوذ وحشیته قیرمق ایچون قونعش بر مادم ایدی. بالطبع بوماده روسلر بک اغیر کلدی. بالاخره فرانسه، روسیه محاربه سنده اوروپاده کی تشدد افکاردن بالاسنقادم بارس معاهده سنك شو بیطرق لغه تعلق ایدن حکمنی روسیه دولتی فسخه موفق اولدی. و (۱۸۷۱) دم لوندردم روسیه ایله ترکیا آرد سنندم پاییلان مقاوله موجبجه قره دکندم بولندیره بحق سفائن حربیه نك تحدیدی

مسئله سی رفع ایدلدی . [حال حاضرده روسیه نك اوراده بر دونمائی و ترسانه سی موجوددر] .

دولت عثمانیه نك كلخانه خط هایونیه تبعه سنه وعد و رسنآ دول معظمه یه تبلیغ ایتمش اولدینی اصلاحات اساسیه مع التأسف موقع فعله قونیه میه رق کاغد اوزرنده قلمش ایدی ، بونك نتیجه سی اوله رق یازس معاهده سی متعاقب ممالك عثمانیه نك هر طرفنده بر طاقم عصیانلر اختلاللر ظهوره کلدی ، دول معظمه نك عدم مداخله وعدینه رعماً یه منفرداً و مجتعمأ مداخله لر باشلادی . مثلاً ایکی سنه صكره جدده فرانسه وانكلكتره قونسولساری قتل ایدلدی و درزیلر ایله مارونیلر آرمسنده بر مقاتله وجود بولدی . شام وقعه سی وقوعه کلدی . و مارونیلری حمایه ایدن فرانسه دولتی مداخله ایتدی . مسئله نك حلی ایچون کوندریلن فوآدپاشاوالی احمدپاشایی فوروشونه دیزدیردیکی کبی حادثه ده مدخلدار اولان یوزسکسان بش مسلمانن اعدام ایتدی و (۱۸۶۱) ده بیرونده طوبلانیان بین الملل بر قومیسون جبل لبنانك طرز اداه سی تعیین ایتدی . و بومسئله یه دائر عین سنه ایچنده استانبولده بر مقاوله نامه امضالندی . بوضره ده یعنی (۱۸۶۱) ده سلطان عبدالمجید خان وفات ایتدی .

عبدالمجید غایت نازك تربیه لی و صوك درجه ده مرحمتی بر پادشاه ایدی . حتی او درجه ده کی بر اعدام حکمنی بیله تصدیقن ممکن اولدینی قدر اجتاب ایدردی . یعنی عبدالمجید مملکتنمز ایچون بر مجدد ، زون ترکیانك بر مبشری اوله یلردی . شوقدرکه مشارالیه حضرتلری غایت مرحمتی اولدیفندن عزم متین اصحابندن دکلدی . بومهالك و مخاطراته قارشى بیوك بر قوت بر متانت لازمیدی ، یونی یایه مدی . دیگر طرفدن اصلاحاتی مرقع اجرایه قویه بیلمك ایچون بر هیئت منوره علما لازمیدی . او علما كه احكام اساسیه مزى احتیاجات مدنیه و ترقیات زمانیه یه کوره تفسیر ایده بیلسون بوده یوقدی . اشته صوك درجه ده خاطر شناس ، عشق و علاقه یه مثلاً اولان عبدالمجید خان بر طرفدن ایچکی دیگر طرفدن سوء استعمال نتیجه سی اوله رق هنوز کنج یاشنده تورم ایدوب کتدی .

مقام سلطنته کلن عبدالعزیز خان بالطبع بر جوق اصلاحات حقنده وعدلرده

بولنديلر . رشيد ياشادن صكره مزام اقتداره كلن وفوآد باشلرك سايه سنده
مملكت مهمما امكن اداره ايديله بيلدى . و (۱۸۶۹) ده فوآد و (۱۸۷۱) ده
عالى پاشا وفات ايتدى .

بودورده بالقان حكومتلرندن قره طاغ فرنگلرك [ته او قراسه] دنيان بر
حكومت ايدى . يعنى رئيس حكومت هم پرنس وهم پاپاسيدى . حتى پرنس
پيهرده باباسلق صفتيده وار ايدى .

(۱۸۵۱) ده (دانيلو) قوآ رو حايه دن واز كدى . حتى باب على بويله
ايكى قوآك يكي بركندن تفريق ايدلسنه اعتراض ايتمشدى . و (۱۸۳۰) دن برى
قره طاغ روسيه نك بر مشتريسيدر واليوم ينه او موقعه در . وقتيله على پاشا
پارس قونفره سنده قره طاغك اقسام ممالك عثمانيه دن بر جزء اولديغنى اوروپا
دولتلى ينه طاتمقى ايچون تكليفاتده بولدى ايسه ده پرنس [دانيلو] بوكا شدنه
اعتراض ايتمشدى . عبدالعزىك زمان اداره سنده بر طرفدن بوسنه هر سندن يكر
طرفدن قره طاغ عصيانى باشلايور . بو عصيانلرده اوچنچى اپوليون كرك قره
طاغى و كرك بوسنه هر سنى باب على نه قارشو الزام ايدنيور . و حسن پاشا
اردوسى پرنس (ميرقو) نه قارشو مغلوب اوليور . قره طاغك بومظفري
اوزرينه هر سكيلر حریت ايديله بستانون عصيان ايدنيور . شو حقيقتى
اعتراف ايتلى كه دولت عثمانيه نك بوسنه هر سكه كى اداره سى مشظم . عادلانه .
انسانيتكارانه بر اداره دكلدى .

ذاتاً ممالكك هر طرفنده سوه اداره واردى . اشته بو عصيانيد . عمر پاشا
تاديب ايتمكه موافق اوليور . و بالا خره عمر پاشا (۱۸۶۳) دن اعتباراً قره طاغ حدودى
كچيور . و اپوليون اوئانده مكسنا ايشلريله مشغول اولديغدن قره طاغى
مدافعه ايدميور . و (چيراغوارا) ده قره طاغلر عمر پاشايه قارشى مغلوب
اوله رق پريشان بر حالده رجعت ايدنيورلر .

يونانستانه كنجه : يونانستانده (۱۸۴۴) تاريخنده تنظيم اولنان قانون اساسى
موجنجه مجلس اعيان و مجلس مبعوثان مركب اولق اوزره ايكى مجلس اوله حقدى .
مبعوثان اعضالى آراى عموميه ايله منتخب اعيان اعضا لريده طرف حكمدار بدن

قید حیات شرطیله نصب اولنه جقلردی . و نظارک مجلس مبعوثانه قارشى مسئولیتی قبول اولندی .

قرال [اوطون] زماننده فرق سیاسیه مبارزه لری باشلامشدر . قریم محاربه سنده یونانیلر ایجابات سیاسیه مبنی تسالیه بر جوق چتله کوندر دبلر . بو محاربه ده فرانسه دولتی ترکیانی التزام ایتدیکندن (پیره) یه عسکر اخراج ایتدی . بو عسکر (۱۸۷۵) تاریخه قدر اوراده اقامت ایتدیله که بوندن مقصد یونانیلری راحت دوردیرمه اجبار ایتک ایدی . بالاخره یونانستان داخلنده بر جوق جمعیات خفیّه تشکیل ایتدی . و قباله قارشو بر جوق عصیانلر وقوعه کلدی . نهایت بر کیجه عسکرلر اوطونک شاتوسنی محاصره ایتدیله . بو حادثه اوزرینه قرال ترک سلطنت ایتکه مجبور قالدی . یرینه دانیمارقه قralی علیکساندرک یکنی [کیوم ژورژ] تعیین ایدلدی که ایوم مقام سلطنتی اشغال ایدیور . و همشیره لری [برنس دوغال] ک زوجهرلی ایدی یعنی شمدیکی یونانستان قرائتک همشیره سی متوفی قرال ادوارک رفیقهرلی ایدی . قرال ژورژک انتخابی متعاقب انکلتزه دولتی یونانیله جمیله اولق اوزره جزائر سبعه یی بخش ایتدی . مع مافیه قرال ژورژک مقام حکمداری یه کلمسیله ده صلح و اسایش تأمین اولنهامش ایدی . چونکه بر طرفدن احتراصات سیاسیه دیگر طرفدن اردونک اداره سیاسیه یه مداخله سی ، مجلس مبعوثان آراستنده اتحاد افکار اوله مامسی مملکتی آتارشى یه سوق ایتدی . هر طرفده عصیانلر ، حیدودقلر حکمفرما ایدی . و (۱۸۶۴) ده یکی بر قانون اساسی یاپلیدی . بو قانون ده رادیکال بر طرز و اسلوبنده تنظیم ایدلش ، حریت مطبوعات ، حق اجتماع بلا قید و شرط قبول اولمش ایدی . مجلس اعیان لغو اولندی . وقوه تشریعه منحصر آ اعضاسی درت سنه مدته منتحب مجلس مبعوثانه بر اقیلیدی . اعضالری رأی عام ایله انتخاب ایدیله جک و نظارک مجلس مبعوثانه قارشو مسئولیتی بو دفعه ده قبول اولمشدر . سناتو یعنی اعیان قالدقدن صکره شورای دولت ده فسخ ایدلدی . آرتق بوتار یخندن اعتباراً یونانستانده فرق سیاسیه مبارزه سندن بشقه برشی کورلیور . قوموندوروسلر ، دلی یانیلر ، جورجیلر ، زایمیسیریکدیگری تعقیب ایدیور . بوقایینه لرك بری دوشوب دیگرى موقع اقتداره کچور . و آرتق یونانستان

حکومتی آمریقا اصولی قبول و تطبیق ایتیمکه باشلایه رق مقام اقتداره کلن فرقه
بتون مأموریتلری کندی فرقه سی منتسبینه حضر و تحدید ایدیور . بونک
نتیجه سی اوله رق یونانستان ی برجران فوق العاده استیلا ایدم رک انضباط و انتظام
مفقوده امنیت داخله بی قرار برحاله بولسیدنی برزمان فترتده کریدده بیوک
برعضیان علائمی کوریلور . واسفایکده اجتماع ایدن کریدیلر مملکتلرینک
یونانستانه الحاق ایدلیمکی اعلان ایدیورلر . بونک اوزرینه طرف دولندن
عضیانی تأدیب ایچون عمر پاشا کوندرلدی . یونانستانده پیدربی برطاقم چته لر
کوندره رک کریدیلره بک جوق معاونت ایتشدر . بواننده الفش بیک کریدلی
آینه یه التجا ایتدی . اتنده لزومندن فضله برفوران و غلیان حکمفرما ایدی .
حتی یونانستان ایله دولت علیه آره سنده برمحاربه اولمق اوزره ایدی .

دولت عثمانیه یونان سفیرینه پساپورطلرینی ویردیمکی کی ممالک عثمانیه ده کی
یونانیلری ده طرد و تبعید ایتدی . و یارسده بو مسئله ایچون بر قونفرانس
عقد ایدلی .

ذاتاً بوسره ده کریدیلر پریشان برحاله ایدیلر . نهایت کندیلرینه (۱۸۶۸)
فرمانیه بعض امتیازات ویرلدی . بو فرمان موجبیه کرید مسلمانلری سلاح
آلتیه آلمدجه خرسیتیانلردن بدل عسکری آلتیه جقدی . و کریدده روحیه کی
ترکده لسان رسمی اوله رق قبول ایدلمشدی .
بواننده صربستان حکومتی - آن تشکلندن اعتباراً اوستریا و روسیه دائره نفوذی
ایچنده چرینبور ایجابات سیاسیه کوره کاه اوستریا به کاه روسیه قارشی متعایل بولنیور
(۱۸۴۱) ده [اسقوچیا] طرفندن خلع ایدیلن علیکساندرک برینه میلوس
اوپرونوویچ پرنس اعلان ایدلی . و بونک برینه ده بک ذکی ویک معلوماتی
اولان مخدومی پرنس [میشل] کچمشدر .

مقدما بلغرادده ترک عسکری وار ایدی . برکون عسکرله صربلر آره سنده
وقوعه کلن مصادمه ده قلعهدن شهره آتش ایدلمکه باشلادی و بو حادثه اوزرینه
دولتلر مداخله ایتدیلر و نتیجه مذاکرته بلغراددن صوک ترک عسکری دخی
ایخراج ایدلی . نشانه تابعیت اولمق اوزره بلغراد قلعهدنک اوزرنده صرب
بایراغینک بانی باشنده ترک بایراغی ده بولنیوردی .

پارس معاهد نامه سی حقوق دوله عائد بعض مواد مهمه سیاسیه بی جامع ایدی بوا حکام دولتلرک مناسباتی نقطه نظرندن حائر اهمیتدر شویله که :

اول امرده محاصره بحریه نك جدی اولسی یعنی: بریر تحت محاصره ده اوله رق قبول ایدیله بیلیمک ایچون سفان حربیه نك اورایه کیرمسنده برتهلکه ملحوظ اولمی. یوقه وقتیه ناپولیون بونا پارطک بتون اورویا لیمانلری انکلیز کیلرینه قارشى سد ایتیمی کولنچ بر شیدر. دنیاده هیچ بر دونما بتون لیمانلری سد ایده چک دره جه ده حکم و قوتی حائر دکلدرد. ایکنجیسی قورصانلرک الغاسی. اوچنچجیسی بیطرف کیلرک ایچرو سنده دشمن اشیاسی و دشمن کیلرینک ایچنده بیطرف دولتلرک اشیاسی - حرب قجانی مستثنا اولمق اوزره - ضبط ایدیله میه چکی ، دردنچجیسی توسط اصولی که اعلان حرب ایدلزدن اول دولتلر احتراصات سیاسیه ایله شابه در اولماق و صرف مساعی صلح پرورانه لری، انسانیتکاریلری نتیجه سی اوله رق حربک منعه چالیشه رق عالم مدنیته خدمت ایتکدن عبارتدر.

مابعدی وار